



Broj: 01-03-4402-2-1/22
Zenica, 30.03.2022. godine

SKUPŠTINA
ZENIČKO-DOBOJSKOG KANTONA
n/r predsjedavajućeg
gđin. Čazim Huskić

PREDMET: Izvještaj o radu Nezavisnog odbora za 2021. godinu, dostavlja se

U skladu sa članom 30. stav (1) tačka d) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20 i 10/21), u prilogu akta Vam dostavljamo Izvještaj o radu Nezavisnog odbora za 2021. godinu, radi razmatranja istog na sjednici Skupštine Zeničko-dobojskog kantona.

S poštovanjem,

P r i l o g: Kao u tekstu



PREDSJEDAVAJUĆA
Nezavisnog odbora

Melisa Ahmić

Dostavljeno:

- ☒ Naslovu,
- 1x U predmet 39. sjednice Nezavisnog odbora/04-02

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
SKUPŠTINA
Nezavisni odbor

IZVJEŠTAJ O RADU NEZAVISNOG ODBORA
za 2021. godinu

Zenica, mart 2022. godine

UVODNE NAPOMENE

U skladu sa članom 30. stav 1) tačka d) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20 i 10/21), Nezavisni odbor Skupštini Kantona podnosi Izvještaj o radu za 2021. godinu.

U cilju ostvarivanja svoje nadležnosti propisane članom 30. stav 1) tačka c) Zakona o unutrašnjim poslovima Zeničko-dobojskog kantona, Nezavisni odbor razmatra mjesečne izvještaje o radu Uprave policije, zajedno sa izvještajem o radu policijskog komesara, jer su rad i rezultati rada Uprave policije odraz aktivnosti policijskog komesara kao rukovodioca ove Uprave. U skladu sa odredbama Poslovnika o radu Nezavisni odbor održava redovne sjednice najmanje jednom mjesečno, kako bi imao cjelovit i kontinuiran uvid u rad policijskog komesara i Uprave policije, odnosno sigurnosnu situaciju u Zeničko-dobojskom kantonu, a po potrebi, zavisno od akata koji se dostavljaju Nezavisnom odboru, sjednice se održavaju i više puta u toku mjeseca.

NADLEŽNOST NEZAVISNOG ODBORA

Nadležnost Nezavisnog odbora utvrđena je u odredbi člana 30. stav 1) Zakona u unutrašnjim poslovima Zeničko-dobojskog kantona, u kojem je propisano da Nezavisni odbor:

- a) objavljuje i provodi javni konkurs za imenovanje policijskog komesara;
- b) vrši selekciju i predlaže rang listu kandidata za izbor policijskog komesara u skladu sa članom 36. ovog zakona;
- c) prati rad policijskog komesara i utvrđuje prijedlog godišnje ocjene policijskog komesara;
- d) dostavlja godišnji izvještaj o svom radu Skupštini Kantona na usvajanje, a na zahtjev Skupštine sačinjava dodatni izvještaj o svom radu;
- e) predlaže razrješenje policijskog komesara Vladi Kantona u skladu sa ovim zakonom;
- f) prima, razmatra i postupa po podnesenim pritužbama na rad policijskog komesara i o tome obavještava ministra i Vladu Kantona;
- g) donosi poslovnik o svom radu uz saglasnost Skupštine Kantona.

Nezavisni odbor sastoji se od sedam članova, koji nisu zaposleni u Ministarstvu i Upravi policije kao i drugim ministarstvima unutrašnjih poslova i policijskim organima u Bosni i Hercegovini.

Najmanje dva člana Nezavisnog odbora moraju biti diplomirani pravnici, odnosno osobe sa stečenom diplomom visokog obrazovanja pravne struke. Sastav Nezavisnog odbora odražava nacionalnu strukturu stanovništva na teritoriji Kantona prema popisu stanovništva iz 1991. godine, uz poštivanje spolne zastupljenosti.

Nezavisni odbor je imenovan na 10. sjednici Skupštine Zeničko-dobojskog kantona održanoj dana 18.06.2019. godine, na period od četiri godine, u sastavu:

1. Ahmić Melisa, dipl. pravnik, magistar pravnih nauka
2. Bolić Sead, prof. za fizičku kulturu
3. Husanović Meris, prof. sporta
4. Hadžić Sehadet, dipl. pravnik
5. Redžić Almir, dipl. pravnik
6. Spahić Taib, dipl. metalurški inženjer, doktor nauka odbrane i sigurnosti
7. Udiljak Vanja, dipl. pravnik

PODUZETE AKTIVNOSTI NEZAVISNOG ODBORA U IZVJEŠTAJNOM PERIODU

Poduzete aktivnosti, odnosno rad Nezavisnog odbora, najbolje se mogu vidjeti iz sadržaja dnevnog reda održanih sjednica. Nezavisni odbor je u izvještajnom periodu održao 16 sjednica, na kojima je raspravljao o ukupno 71 tački dnevnog reda, te se pored donošenja redovnih 12 zaključaka, koji se odnose na izvještaje komesara i Uprave policije, Nezavisni odbor bavio i aktivnostima iz Odjeljka B. Zakona o unutrašnjim poslovima Zeničko-dobojskog kantona (objava javnog konkursa, proces odabira kandidata, utvrđivanje rang liste kandidata za policijskog komesara), te iz Odjeljka C. Zakona (utvrđivanje prijedloga godišnje ocjene o radu, podnošenje prijedloga za razrješenje).

Na sjednicama su razmatrani redovni mjesečni Izvještaji o radu policijskog komesara i Izvještaji o radu Uprave policije i stanju bezbjednosti na području Zeničko-dobojskog kantona. Članovi Nezavisnog odbora su davanjem određenih prijedloga i sugestija, nastojali doprinijeti što boljem i kvalitetnijem radu Uprave policije, policijskog komesara, a time i Ministarstva unutrašnjih poslova Zeničko-dobojskog kantona.

Nezavisni odbor je u toku 2021. godine održao ukupno 16 (šesnaest) sjednica, kako slijedi:

➤ **Na 20. sjednici Nezavisnog odbora, koja je održana dana 25.01.2021. godine, razmatrane su sljedeće tačke dnevnog reda:**

- 1. Usvajanje Zapisnika sa 19. sjednice Nezavisnog odbora, održane dana 23.12.2020. godine,**
- 2. Razmatranje Izvještaja o radu policijskog komesara za mjesec decembar 2020. godine i Izvještaja o radu Uprave policije i stanju bezbjednosti za mjesec decembar 2020. godine na području Zeničko-dobojskog kantona,**
- 3. Prijedlog Godišnje ocjene policijskog komesara Ministarstva unutrašnjih poslova Zeničko-dobojskog kantona,**
- 4. Razmatranje Prijedloga Izvještaja o radu Nezavisnog odbora za 2020. godinu,**
- 5. Tekuća pitanja.**

Nakon iscrpne diskusije i određenih sugestija upućenih komesaru sa ciljem poboljšanja rada policije, izvještaji su jednoglasno prihvaćeni, utvrđena je Godišnja ocjena policijskog komesara, kojom je ocijenjen kao „uspješan“ na osnovu analize dosadašnjih mjesečnih izvještaja o radu policijskog komesara, koje je komesar prezentovao na sjednicama Odbora, te na osnovu stanja bezbjednosti utvrđen Izvještaj Nezavisnog odbora za 2020. godinu, koji je upućen u skupštinsku proceduru.

Pod tačkom tekuća pitanja dnevnog reda, Odbor je primio na znanje Dopis policijskog komesara od 20.01.2021. godine, upućen Nezavisnom odboru kojim obavještava Odbor o postupanju po Zaključku broj: 01-03-19619-2/20 od 22.12.2020. godine koji je donesen na 19. sjednici Nezavisnog odbora. Dostavljenim dopisom se Nezavisni odbor informiše da je Uprava policije Ministarstva unutrašnjih poslova Zeničko-dobojskog kantona postupila po navedenom Zaključku i uputila Ministarstvu sigurnosti BiH akt kojim predlaže, u najboljem interesu BiH, a povodom migrantske krize, da je potrebno intenzivirati aktivnosti na zaštiti granica Bosne i Hercegovine i obezbjeđenju adekvatnog smještaja za migrante.

➤ **Na 21. sjednici Nezavisnog odbora, koja je održana dana 23.02.2021. godine, Nezavisni odbor je razmatrao sljedeće tačke dnevnog reda:**

- 1. Usvajanje Zapisnika sa 20. sjednice Nezavisnog odbora, održane dana 25.01.2021. godine,**

2. **Razmatranje Izvještaja o radu policijskog komesara za mjesec januar 2021. godine i Izvještaja o radu Uprave policije i stanju bezbjednosti za mjesec januar 2021. godine na području Zeničko-dobojskog kantona,**
3. **Razmatranje Izvještaja o radu Uprave policije i stanju bezbjednosti za 2020. godinu,**
4. **Tekuća pitanja.**

Nakon završene prezentacije i okončane diskusije Nezavisni odbor je prihvatio Izvještaj o radu policijskog komesara za mjesec januar 2021. godine i Izvještaj o radu Uprave policije i stanja bezbjednosti za mjesec januar 2021. godine na području Zeničko-dobojskog kantona, bez primjedbi, te je primio na znanje Izvještaj o radu Uprave policije i stanju bezbjednosti za 2020. godinu na području Zeničko-dobojskog kantona.

➤ **Na 22. sjednici Nezavisnog odbora, koja je održana dana 24.03.2021. godine Nezavisni odbor je razmatrao sljedeće tačke dnevnog reda:**

1. **Usvajanje Zapisnika sa 21. sjednice Nezavisnog odbora, održane dana 23.02.2021. godine,**
2. **Razmatranje Izvještaja o radu policijskog komesara za mjesec februar 2021. godine i Izvještaja o radu Uprave policije i stanju bezbjednosti za mjesec februar 2021. godine na području Zeničko-dobojskog kantona,**
3. **Upoznavanje sa odgovorom policijskog komesara na poslaničko pitanje poslanika u Skupštini Zeničko-dobojskog kantona, Rame Isaka, upućeno Nezavisnom odboru,**
4. **Donošenje Odluke o izboru novog predsjedavajućeg Nezavisnog odbora po principu rotacije,**
5. **Tekuća pitanja.**

Nakon završene prezentacije i okončane diskusije po drugoj tački dnevnog reda Nezavisni odbor, zbog određenih primjedbi i manjkavosti, natpolovičnom većinom nije prihvatio Izvještaj o radu policijskog komesara za mjesec februar 2021. godine i Izvještaj o radu Uprave policije i stanju bezbjednosti za mjesec februar 2021. godine na području Zeničko-dobojskog kantona.

Nezavisni odbor je nakon iscrpne diskusije po trećoj tački dnevnog reda u kojoj su učestvovali svi članovi Nezavisnog odbora, utvrdio odgovor na poslaničko pitanje poslanika Rame Isaka, koji je upućen predsjedavajućem Skupštine, shodno Poslovniku Skupštine Zeničko-dobojskog kantona, te je u okviru četvrte tačke dnevnog reda donio Odluku o izboru novog predsjedavajućeg Nezavisnog odbora po principu rotacije.

➤ **Na 23. sjednici Nezavisnog odbora, koja je održana dana 27.04.2021. godine, razmatran je sljedeći dnevni red:**

1. **Usvajanje Zapisnika sa 22. sjednice Nezavisnog odbora, održane dana 24.03.2021. godine,**
2. **Razmatranje Izvještaja o radu policijskog komesara za mjesec mart 2021. godine i Izvještaja o radu Uprave policije i stanju bezbjednosti za mjesec mart 2021. godine na području Zeničko-dobojskog kantona,**
3. **Upoznavanje Nezavisnog odbora sa sljedećim aktima:**
 - **Dopuna odgovora na elaboraciju poslaničkog pitanja zastupnika Isak Rame;**
 - **Informacija policijskog komesara u vezi dopisa „zabrinutih i uvrijeđenih roditelja“ u vezi navodnih nepravilnosti u provođenju aktuelnog konkursa za prijem policijskih službenika;**

- **Dopis Sinanović Sabahudina naslovljen kao „krivična prijava“ protiv NN policijskih službenika, članova Komisije za prijem policijskih službenika;**
- **Prijava Begić Envera iz Maglaja vezano za suspenziju policijskih službenika PS Zavidovići i PS Maglaj i**
- **Žalbe Valentine Dunder, Ivana Markanovića, Mladena Šošića i Mateja Šimića iz Žepča, na Listu odabranih kandidata po javnom oglasu za popunu upražnjenih mjesta policijskih službenika.**

4. Tekuća pitanja.

Nakon završene prezentacije i okončane diskusije po drugoj tački dnevnog reda Nezavisni odbor, zbog određenih primjedbi i manjkavosti, natpolovičnom većinom nije prihvatio Izvještaj o radu policijskog komesara za mjesec mart 2021. godine i Izvještaj o radu Uprave policije i stanju bezbjednosti za mjesec mart 2021. godine na području Zeničko-dobojskog kantona.

Nezavisni odbor je na ovoj sjednici podnio Inicijativu za hitno imenovanje Policijskog odbora, s obzirom da je prethodnom sazivu Policijskog odbora istekao mandat, sa ciljem normalnog funkcionisanja Uprave policije Ministarstva unutrašnjih poslova, jer je isti nadležan za preispitivanje svih žalbi koje predviđa Zakon o policijskim službenicima Zeničko-dobojskog kantona-Prečišćeni tekst („Službene novine Zeničko-dobojskog kantona, broj: 4/14), a ne samo žalbi kandidata u procesu odabira za zapošljavanje (član 124. navedenog Zakona).

Kada su u pitanju akti pod tačkom tekuća pitanja, Nezavisni odbor je iste detaljno razmatrao i zauzeo odgovarajuće stavove po istim shodno nadležnostima Odbora.

➤ **Na 24. sjednici Nezavisnog odbora, koja je održana dana 31.05.2021. godine, Nezavisni odbor je razmatrao sljedeći dnevni red:**

- 1. Usvajanje Zapisnika sa 23. sjednice Nezavisnog odbora, održane dana 27.04.2021. godine,**
- 2. Razmatranje Izvještaja o radu policijskog komesara za mjesec april 2021. godine i Izvještaja o radu Uprave policije i stanju bezbjednosti za mjesec april 2021. godine na području Zeničko-dobojskog kantona,**
- 3. Tekuća pitanja:**
 - **Novi dopis Begić Envera iz Maglaja od 20.05.2021. godine vezano za suspenziju policijskih službenika PS Zavidovići i PS Maglaj;**
 - **Odgovor Stručne službe Vlade u vezi Inicijative Nezavisnog odbora za izbor i reviziju od 21.05.2021. godine.**

Nakon završene prezentacije i okončane diskusije po drugoj tački dnevnog reda Nezavisni odbor, zbog određenih primjedbi i manjkavosti, natpolovičnom većinom nije prihvatio Izvještaj o radu policijskog komesara za mjesec april 2021. godine i Izvještaj o radu Uprave policije i stanju bezbjednosti za mjesec april 2021. godine na području Zeničko-dobojskog kantona.

Kada su u pitanju akti pod tačkom tekuća pitanja, Nezavisni odbor je iste detaljno razmatrao i zauzeo odgovarajući stav po istom shodno nadležnostima Odbora.

➤ **Na 25. sjednici Nezavisnog odbora, koja je održana dana 30.06.2021. godine, Nezavisni odbor je razmatrao sljedeći dnevni red:**

- 1. Usvajanje Zapisnika sa 24. sjednice Nezavisnog odbora, održane dana 31.05.2021. godine,**
- 2. Razmatranje Izvještaja o radu policijskog komesara za mjesec maj 2021. godine i Izvještaja o radu Uprave policije i stanju bezbjednosti za mjesec maj 2021. godine na području Zeničko-dobojskog kantona,**
- 3. Tekuća pitanja.**

Nakon završene prezentacije i okončane diskusije po drugoj tački dnevnog reda Nezavisni odbor, zbog određenih primjedbi i manjkavosti, natpolovičnom većinom nije prihvatio Izvještaj o radu policijskog komesara za mjesec maj 2021. godine i Izvještaj o radu Uprave policije i stanju bezbjednosti za mjesec maj 2021. godine na području Zeničko-dobojskog kantona.

Nakon okončane diskusije po pitanju informacije da je policijski komesar dobio Rješenje o prestanku radnog odnosa zbog ispunjavanja uslova za starosnu penziju, Nezavisni odbor je zauzeo stav da je potrebno zatražiti od ministra Ministarstva unutrašnjih poslova Zeničko-dobojskog kantona da u što kraćem roku ovom tijelu dostavi informaciju o radno-pravnom statusu policijskog komesara Šut Semira, kako bi se prema toj informaciji Odbor odredio u svojim daljim aktivnostima.

➤ **Na 26. sjednici Nezavisnog odbora, održanoj dana 14.07.2021. godine Nezavisni odbor je razmatrao sljedeći dnevni red:**

- 1. Usvajanje Zapisnika sa 25. sjednice Nezavisnog odbora, održane dana 30.06.2021. godine,**
- 2. Utvrđivanje Prijedloga za razrješenje policijskog komesara Ministarstva unutrašnjih poslova Zeničko-dobojskog kantona i dostavljanje istog Vladi Zeničko-dobojskog kantona putem ministra Ministarstva unutrašnjih poslova Zeničko-dobojskog kantona,**
- 3. Razno.**

Nezavisni odbor je nakon okončane diskusije, jednoglasno, na osnovu člana 42. stav (1) tačka g) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona“, broj: 13/18, 6/19, 22/19, 21/20 i 10/21) podnio Prijedlog za razrješenje policijskog komesara Ministarstva unutrašnjih poslova Zeničko-dobojskog kantona.

➤ **Na 27. sjednici Nezavisnog odbora, održanoj dana 28.07.2021. godine, Nezavisni odbor je razmatrao sljedeći dnevni red:**

- 1. Usvajanje Zapisnika sa 26. sjednice Nezavisnog odbora, održane dana 14.07.2021. godine,**
- 2. Utvrđivanje teksta i raspisivanje Javnog konkursa za imenovanje policijskog komesara Ministarstva unutrašnjih poslova Zeničko-dobojskog kantona,**
- 3. Tekuća pitanja.**

Nakon iscrpne analize zakonskih propisa, Nezavisni odbor je utvrdio tekst javnog oglasa, shodno Zakonu o unutrašnjim poslovima Zeničko-dobojskog kantona i Zakonu o ministarskim vladinim i drugim imenovanjima u Federaciji BiH.

Pod tačkom dnevnog reda tekuća pitanja, članovi Odbora su razmatrali Anonimnu krivičnu prijavu podnesenu protiv komesara policije Ministarstva unutrašnjih poslova Zeničko-dobojskog kantona zbog sumnje da je od strane istog i Komisije za unapređenje (koja je imenovana rješenjem Komesara policije Zeničko-dobojskog kantona, povodom raspisanog internog konkursa od 28.01.2021. godine) navodno počinjeno krivično djelo zloupotrebe položaja ili ovlaštenja (zaprimljena dana 22.07.2021. godine, pod brojem: 01-03-10340/21 i

naslovljena na Nezavisni odbor). Nezavisni odbor je jednoglasno zauzeo stav da istu proslijedi Kantonalnom tužilaštvu Zenica, na dalje postupanje.

➤ **Na 28. sjednici Nezavisnog odbora, održanoj dana 19.08.2021. godine, Nezavisni odbor je razmatrao sljedeći dnevni red:**

1. Usvajanje Zapisnika sa 26. sjednice Nezavisnog odbora, održane dana 14.07.2021. godine i Zapisnika sa 27. sjednice Nezavisnog odbora, održane dana 28.07.2021. godine,
2. Razmatranje Izvještaja o radu Uprave policije i stanju bezbjednosti za mjesec juni 2021. godine na području Zeničko-dobojskog kantona i Izvještaja o radu Uprave policije i stanju bezbjednosti za mjesec juli 2021. godine na području Zeničko-dobojskog kantona,
3. Upoznavanje sa Izvještajem o radu Uprave policije i stanju bezbjednosti za period januar-juni 2021. godine na području Zeničko-dobojskog kantona,
4. Utvrđivanje mišljenja u vezi dopisa predsjedavajućeg Skupštine Zeničko-dobojskog kantona o postojanju opasnosti po javnu sigurnost i sigurnost građana širih razmjera na području Zeničko-dobojskog kantona,
5. Razmatranje prijave „zabrinutih građana“ zaprimljena u Stručnu službu Skupštine dana 10.08.2021. godine,
6. Tekuća pitanja.

Nakon završene prezentacije i okončane diskusije Nezavisni odbor je prihvatio Izvještaj o radu Uprave policije i stanju bezbjednosti za mjesec juni i Izvještaj o radu Uprave policije i stanju bezbjednosti za mjesec juli 2021. godine na području Zeničko-dobojskog kantona, a kada je u pitanju tačka dnevnog reda - Upoznavanje sa Izvještajem o radu Uprave policije i stanju bezbjednosti za period januar-juni 2021. godine na području Zeničko-dobojskog kantona, Odbor je isti primio na znanje.

Kada su u pitanju izvještaji o radu policijskog komesara za navedene mjesece, koji nisu bili dostavljeni, Nezavisni odbor je zauzeo stav da se zaduži vršilac dužnosti komesara, da na osnovu podataka koji budu dostupni kabinetu komesara, pripremi i dostavi u proceduru navedene izvještaje, s obzirom da je Vlada Kantona razriješila policijskog komesara Šut Semira zbog ispunjavanja uslova za penziju, sa danom 19.07.2021. godine.

Razmatrajući četvrtu tačku dnevnog reda, Nezavisni odbor je zauzeo stav da, shodno odredbi Zakona o unutrašnjim poslovima Zeničko-dobojskog kantona koja reguliše nadležnost ovog skupštinskog tijela, nije nadležan za davanje mišljenja o procjeni opasnosti po javnu sigurnost i sigurnost građana i stav da o istom obavijesti predsjedavajućeg Skupštine Zeničko-dobojskog kantona. Nezavisni odbor je, razmatrajući prijavu „zabrinutih građana“ zauzeo odgovarajući stav shodno nadležnostima Odbora.

➤ **Na 29. sjednici Nezavisnog odbora, održanoj dana 31.08.2021. godine, Nezavisni odbor je razmatrao sljedeći dnevni red:**

1. Usvajanje Zapisnika sa 28. sjednice Nezavisnog odbora, održane dana 19.08.2021. godine,
2. Otvaranje pristiglih prijava na Javni konkurs za izbor policijskog komesara Ministarstva unutrašnjih poslova Zeničko-dobojskog kantona, objavljen u dnevnim listovima: “Oslobođenje” i “Dnevni avaz” dana 31.07.2021. godine, te u “Službenim novinama Federacije BiH”, broj: 62/21 od 06.08.2021. godine,
3. Donošenje Zaključka o postupku izbora kandidata za policijskog komesara Ministarstva unutrašnjih poslova Zeničko-dobojskog kantona,
4. Utvrđivanje izgleda standardnog obrasca za ocjenu kandidata za intervju za policijskog komesara Ministarstva unutrašnjih poslova Zeničko-dobojskog kantona,

5. Tekuća pitanja.

Nezavisni odbor je nakon otvaranja i pregledanja prijava na Javni konkurs za izbor i imenovanje Policijskog komesara Ministarstva unutrašnjih poslova konstatovao da su prijave svih kandidata blagovremeno podnesene, da svi prijavljeni kandidati ispunjavaju sve uslove Javnog konkursa, da su priložili svu traženu validnu dokumentaciju, te da Listu kandidata koji ispunjavaju sve propisane uslove iz Javnog konkursa za imenovanje policijskog komesara Ministarstva unutrašnjih poslova Zeničko-dobojskog kantona čini svih šest (6) prijavljenih kandidata. Potom je utvrdio Standardni obrazac za ocjenu kandidata za policijskog komesara Ministarstva unutrašnjih poslova Zeničko-dobojskog kantona, Obrazac za ocjenu prijedloga plana i programa rada za vrijeme trajanja mandata i kvalifikacija kandidata propisanih članom 35. stav (2) Zakona o unutrašnjim poslovima Zeničko-dobojskog kantona, te donio Zaključak o postupku izbora kandidata za policijskog komesara Ministarstva unutrašnjih poslova Zeničko-dobojskog kantona, shodno Zakonu o ministarskim, vladinim i drugim imenovanjima u Federaciji BiH.

➤ **Na 30. sjednici Nezavisnog odbora, održanoj dana 07.09.2021. godine, Nezavisni odbor je razmatrao sljedeći dnevni red:**

- 1. Usvajanje Zapisnika sa 29. sjednice Nezavisnog odbora, održane dana 31.08.2021. godine,**
- 2. Pregledanje i upoznavanje sa dostavljenim prijedlogom plana i programa rada kandidata za policijskog komesara Ministarstva unutrašnjih poslova Zeničko-dobojskog kantona za vrijeme trajanja mandata i sa dodatnom dokumentacijom vezanom za kvalifikacije kandidata,**
- 3. Tekuća pitanja.**

Nakon pregleda dostavljenih prijedloga i programa rada Odbor je konstatovao da su prijedlozi plana i programa rada kao i dokazi o dodatnim kvalifikacijama svih kandidata blagovremeno dostavljeni, da su svi kandidati priložili svoj Prijedlog plana i programa rada i dodatnu dokumentaciju kojom dokazuju svoje kvalifikacije iz člana 35. stav (2) Zakona, te da na intervju shodno članu 35. stav (1) i (3) Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20 i 10/21), mogu pristupiti svih šest (6) prijavljenih kandidata.

➤ **Na 31. sjednici Nezavisnog odbora, održanoj dana 08.09.2021. godine, Nezavisni odbor je razmatrao sljedeći dnevni red:**

- 1. Utvrđivanje liste pitanja za provođenje intervjua/razgovora sa kandidatima za policijskog komesara Ministarstva unutrašnjih poslova Zeničko-dobojskog kantona,**
- 2. Provođenje intervjua/razgovora sa kandidatima za policijskog komesara Ministarstva unutrašnjih poslova Zeničko-dobojskog kantona, ocjena rezultata intervjua/razgovora, ocjena prijedloga plana i programa rada za vrijeme trajanja mandata i ocjena kvalifikacije kandidata,**
- 3. Utvrđivanje Rang liste kandidata sa obrazloženjem za imenovanje policijskog komesara Ministarstva unutrašnjih poslova Zeničko-dobojskog kantona,**
- 4. Tekuća pitanja.**

Na sjednici održanoj dana 08.09.2021. godine izvršena je ocjena rezultata razgovora/intervjua, ocjena prijedloga plana i programa rada za vrijeme trajanja mandata i ocjena kvalifikacija kandidata koje odgovaraju potrebama radnog mjesta, a kandidate je ocijenio svaki član Nezavisnog odbora, davanjem određenog broja bodova u rasponu 1-3 za svaki kriterij odabira iz člana 35. stav (4) Zakona o unutrašnjim poslovima Zeničko-dobojskog kantona, naveden u upitniku. Nakon toga se pristupilo zbrajanju bodova i popuni Obrasca za ocjenu rezultata razgovora/intervjua po abecednom redu kandidata, slijedom čega je utvrđena srednja ocjena svih kandidata.

U skladu sa članom 36. stav (1) Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20 i 10/21), člana 26. i 31. Poslovnika o radu Nezavisnog odbora („Službene novine Zeničko-dobojskog kantona“, broj: 15/19) i tačke 15. Zaključka Nezavisnog odbora, broj: 01-04-11766-7/21 od 31.08.2021. godine, utvrđena je Rang-lista najuspješnijih-najboljih kandidata za policijskog komesara Ministarstva unutrašnjih poslova Zeničko-dobojskog kantona, sa obrazloženjem koja je dostavljena ministru Ministarstva unutrašnjih poslova na dalju, zakonom propisanu proceduru.

➤ **Na 32. sjednici Nezavisnog odbora, održanoj dana 05.10.2021. godine, Nezavisni odbor je razmatrao sljedeći dnevni red:**

- 1. Usvajanje Zapisnika sa 30. sjednice Nezavisnog odbora, održane dana 07.09.2021. godine i Zapisnika sa 31. sjednice Nezavisnog odbora, održane dana 08.09.2021. godine,**
- 2. Izvještaj o radu Uprave policije i stanju bezbjednosti za mjesec august 2021. godine,**
- 3. Izvještaj o radu vršioca dužnosti policijskog komesara za period 21.-29.07.2021. godine,**
- 4. Tekuća pitanja:**
 - **zahtjev redakcije politički.ba;**
 - **zahtjev Aiše Telalović za pristup informacijama;**
 - **razmatranje zahtjeva Gazić Admir i Imamović Adisa za dostavu zapisnika o glasanju članova Nezavisnog odbora;**
 - **razmatranje akta Ministarstva unutrašnjih poslova u vezi izbora komesara, a vezano za zahtjev Transparency International u BiH;**
 - **razmatranje Inicijative Sanje Renić, zastupnice u Skupštini Zeničko-dobojskog kantona,**
- 5. Zauzimanje stava o dostavi Obavijesti kandidatima o imenovanju policijskog komesara Ministarstva unutrašnjih poslova Zeničko-dobojskog kantona, pitanju odgovornog javnog službenika, te dostavljanja Nezavisnom odboru Rješenja Vlade Zeničko-dobojskog kantona o imenovanju Rusmira Šišića za policijskog komesara Ministarstva unutrašnjih poslova Zeničko-dobojskog kantona.**

Po završetku prezentacije i okončane diskusije po drugoj i trećoj tački utvrđenog dnevnog reda, članovi Odbora su prihvatili Izvještaj o radu Uprave policije i stanju bezbjednosti za mjesec august 2021. godine na području Zeničko-dobojskog kantona i Izvještaj o radu vršioca dužnosti policijskog komesara za period 21. do 29.07.2021. godine.

Kada su u pitanju zahtjevi i akti pod tačkom tekuća pitanja, Nezavisni odbor je iste detaljno razmatrao i zauzeo odgovarajuće stavove po istim shodno nadležnostima Odbora.

➤ **Na 33. sjednici Nezavisnog odbora, održanoj dana 27.10.2021. godine, Nezavisni odbor je razmatrao sljedeći dnevni red:**

- 1. Usvajanje Zapisnika sa 32. sjednice Nezavisnog odbora, održane dana 05.10.2021. godine,**
- 2. Razmatranje Izvještaja o radu Uprave policije i stanju bezbjednosti na području Zeničko-dobojskog kantona za mjesec septembar 2021. godine,**
- 3. Razmatranje Izvještaja o radu policijskog komesara za mjesec septembar 2021. godine,**
- 4. Donošenje Odluke o izboru novog predsjedavajućeg Nezavisnog odbora po principu rotacije,**

5. Tekuća pitanja:

- zauzimanje stava povodom dopisa Stručne službe Vlade Kantona, u vezi obavijesti kandidatima koji su učestvovali na konkursu za policijskog komesara Ministarstva unutrašnjih poslova Zeničko-dobojskog kantona;
- zauzimanje stava povodom odgovora na obavijest koju je Nezavisni odbor dostavio Transparency International BiH u vezi zahtjeva za pristup informacijama (dostavljanje dokumentacije prijavljenih kandidata na konkurs za izbor policijskog komesara Ministarstva unutrašnjih poslova Zeničko-dobojskog kantona);
- upoznavanje sa zahtjevom za pristup informacijama podnesenim od strane Transparency International u BiH iz Banja Luke, od 07.10.2021. godine, broj: 02-04 (5054), (zaprimljen u Stručnoj službi Skupštine Zeničko-dobojskog kantona dana 12.10.2021. godine), te Rješenjem Stručne službe Skupštine Zeničko-dobojskog kantona donesenim po istom zahtjevu;
- zauzimanje stava povodom akta Institucije ombudsmena/ombudsmana za ljudska prava BiH, broj: Ž-SA-05-1001/21 od 18.10.2021. godine (zaprimljen u Stručnoj službi Skupštine, pod brojem: 01-03-13176-2-8/21 od 26.10.2021. godine), vezan za izjašnjenje u postupku istrage po žalbi Renić Sanje.

Po završetku prezentacije i okončane diskusije po drugoj i trećoj tački utvrđenog dnevnog reda, članovi Odbora su prihvatili Izvještaj o radu Uprave policije i stanju bezbjednosti za mjesec septembar 2021. godine na području Zeničko-dobojskog kantona, te donijeli Odluku o izboru novog predsjedavajućeg Nezavisnog odbora po principu rotacije.

Kada su u pitanju zahtjevi i akti pod tačkom tekuća pitanja, Nezavisni odbor je iste detaljno razmatrao i zauzeo odgovarajuće stavove po istim shodno nadležnostima Odbora.

➤ Na 34. sjednici Nezavisnog odbora, održanoj dana 15.11.2021. godine, Nezavisni odbor je razmatrao sljedeći dnevni red:

1. Usvajanje Zapisnika sa 33. sjednice Nezavisnog odbora, održane dana 27.10.2021. godine,
2. Tekuća pitanja:
 - upoznavanje sa Prigovorom Transparency International u BiH iz Banja Luke, od 27.10.2021. godine, broj: 02-04 (5100), na Rješenje Stručne službe Skupštine Zeničko-dobojskog kantona, broj: 01-04-13643-2/21 od 18.10.2021. godine;
 - zauzimanje stava povodom Zahtjeva Nermina Šehovića upućen Nezavisnom odboru za pristup informacijama, broj: 01-03-14170-2-4/21 od 02.11.2021. godine;
 - zauzimanje stava povodom Zahtjeva Nermina Šehovića upućen Stručnoj službi Skupštine - Odjeljenju za poslove radnih i drugih tijela i Nezavisnom odboru za neposredni uvid u isprave po osnovu kojih je Odbor cijenio i predložio kandidate za policijskog komesara, broj: 01-03-14170-1-5/21 od 08.11.2021. godine;
 - upoznavanje sa Obaviješću Stručne službe Skupštine upućena Nerminu Šehoviću vezano za zahtjev neposredni uvid, broj: 01-03-14170-1-5-1/21 od 08.11.2021. godine;
 - zauzimanje stava povodom akta Federalnog ministarstva pravde – Upravnog inspektorata, broj: 06-04-8-882/21 od 08.11.2021. godine, zaprimljen u Stručnoj službi Skupštine Zeničko-dobojskog kantona, dana 11.11.2021. godine, pod brojem: 01-30-1284-6/21, sa prilogom Zahtjeva Aiše Telalović iz Sarajeva, upućen Upravnom inspektoratu Ministarstva pravde FBiH, broj: 06-04-8-882/21 od 15.10.2021. godine, za pokretanje inspeksijskog nadzora nad Skupštinom - Nezavisnim odborom i Vladom Zeničko-dobojskog kantona - Ministarstvom

unutrašnjih poslova, zbog kršenja Zakona o slobodi pristupa informacijama u FBiH u vezi sa postupkom izbora i imenovanja policijskog komesara Ministarstva unutrašnjih poslova Zeničko-dobojskog kantona;

- zauzimanje stava povodom akta Federalnog ministarstva pravde – Upravnog inspektorata, broj: 06-04-8-819/21 od 04.11.2021. godine, zaprimljen u Stručnoj službi Skupštine Zeničko-dobojskog kantona, dana 12.11.2021. godine, pod brojem: 01-30-13223-6/21, sa prilogom Zastupnička inicijativa Sanje Renić, zastupice u Skupštini Zeničko-dobojskog kantona, upućenoj između ostalih i Upravnom inspektoratu Ministarstva pravde FBiH, kojom traži postupanje po Zakonu o slobodi pristupa informacijama u FBiH u vezi sa postupkom izbora i imenovanja policijskog komesara Ministarstva unutrašnjih poslova Zeničko-dobojskog kantona.

Kada su u pitanju zahtjevi i akti pod tačkom tekuća pitanja, Nezavisni odbor je iste detaljno razmatrao i zauzeo odgovarajuće stavove po istim shodno nadležnostima Odbora.

➤ Na 35. sjednici Nezavisnog odbora, održanoj dana 24.11.2021. godine, Nezavisni odbor je razmatrao sljedeći dnevni red:

1. Usvajanje Zapisnika sa 34. sjednice Nezavisnog odbora, održane dana 15.11.2021. godine,
2. Razmatranje prigovora Admira Gazića, kandidata za policijskog komesara Ministarstva unutrašnjih poslova Zeničko-dobojskog kantona, broj: 01-03-15014-1/21, od 11.11.2021. godine, zaprimljen dana 16.11.2021. godine,
3. Zauzimanje stava povodom akta Institucije ombudsmena/ombudsmana za ljudska prava BiH, kojim se traži izjašnjenje po prigovoru Admira Gazića, broj: Ž-SA-05-1028/21, zaprimljen dana 22.11.2021. godine,
4. Razmatranje prigovora Nermina Šehovića, kandidata za policijskog komesara Ministarstva unutrašnjih poslova Zeničko-dobojskog kantona, broj: 01-03-15100-1/21, od 12.11.2021. godine, zaprimljen dana 16.11.2021. godine,
5. Zauzimanje stava povodom preporuka Institucije ombudsmena/ombudsmana za ljudska prava BiH, po žalbi Aiše Telalović iz Sarajeva, broj: Ž-BL-05-691/21, preporuka broj: 249/21, zaprimljena dana 15.11.2021. godine,
6. Zauzimanje stava povodom žalbe Transparency International BiH iz Banja Luke, zbog ćutanja administracije, broj: 02-04 (5129), zaprimljena dana 15.11.2021. godine,
7. Tekuća pitanja:
 - upoznavanje sa Informacijom Premijera Zeničko-dobojskog kantona o postupanju po tački tri iz predstavke Aiše Telalović iz Sarajeva i dostavom akta Federalnog ministarstva pravde – Upravnog inspektorata, broj: 06-04-8-882/21 od 08.11.2021. godine;
 - upoznavanje sa službenim zabilješkama Melise Ahmić, predsjedavajuće i Vanje Udiljak, članice Nezavisnog odbora.

Kada su u pitanju zahtjevi i akti od druge do sedme tačke utvrđenog dnevnog reda, Nezavisni odbor je iste detaljno razmatrao i zauzeo odgovarajuće stavove po istim, shodno nadležnostima Odbora.

➤ Na 36. sjednici Nezavisnog odbora, održanoj dana 14.12.2021. godine, Nezavisni odbor je razmatrao sljedeći dnevni red:

1. Usvajanje Zapisnika sa 35. sjednice Nezavisnog odbora, održane dana 24.11.2021. godine,

2. Razmatranje Izvještaja o radu policijskog komesara za mjesec oktobar 2021. godine i Izvještaja o radu Uprave policije i stanju bezbjednosti za mjesec oktobar 2021. godine na području Zeničko-dobojskog kantona,
3. Razmatranje Izvještaja o radu policijskog komesara za mjesec novembar 2021. godine i Izvještaja o radu Uprave policije i stanju bezbjednosti za mjesec novembar 2021. godine na području Zeničko-dobojskog kantona,
4. Odgovor na poslaničko pitanje Rame Isaka, zastupnika u Skupštini Zeničko-dobojskog kantona, u vezi vršenja pritiska na Nezavisni odbor i njegove pojedine članove, sa 40. sjednice Skupštine Zeničko-dobojskog kantona, broj: 01-03-15977/21 od 01.12.2021 godine,
5. Tekuća pitanja:
 - upoznavanje sa Rješenjem Stručne službe Skupštine Zeničko-dobojskog kantona, broj: 01-04-13643-4/21 od 30.11.2021. godine, po prigovoru Transparency International u BiH iz Banja Luke, broj: 02-04(5100), na Rješenje Stručne službe Skupštine Zeničko-dobojskog kantona od 19.10.2021. godine.

Nakon završene prezentacije i okončane diskusije Nezavisni odbor je prihvatio Izvještaj o radu Uprave policije i stanju bezbjednosti za mjesec oktobar i novembar 2021. godine na području Zeničko-dobojskog kantona i Izvještaj o radu policijskog komesara za mjesec oktobar i novembar 2021. godine.

Nezavisni odbor je utvrdio odgovor na poslaničko pitanje Rame Isaka, zastupnika u Skupštini Zeničko-dobojskog kantona u vezi vršenja pritiska na Nezavisni odbor i njegove pojedine članove od strane nekih kandidata koji navodno nisu prošli u konkursnoj proceduri.

Pod tačkom tekuća pitanja, članovi Nezavisnog odbora su se upoznali sa Rješenjem Stručne službe Skupštine Zeničko-dobojskog kantona, broj: 01-04-13643-4/21 od 30.11.2021. godine, te po prigovoru Transparency International u BiH iz Banja Luke, broj: 02-04(5100), na Rješenje Stručne službe Skupštine Zeničko-dobojskog kantona od 19.10.2021. godine.

NADLEŽNOSTI NEZAVISNOG ODBORA U VEZI SA DISCIPLINSKIM POSTUPKOM

U navedenom izvještajnom periodu Nezavisni odbor nije koristio zakonska ovlaštenja iz člana 45. Zakona o unutrašnjim poslovima Zeničko-dobojskog kantona u pogledu iniciranja pokretanja disciplinskog postupka za povrede službene dužnosti policijskog komesara jer za to nije bilo potrebe odnosno nije bilo slučajeva zbog kojih bi se koristilo pomenuto ovlaštenje.

ZAKLJUČCI

U skladu sa nadležnostima Nezavisnog odbora definisanim Zakonom o unutrašnjim poslovima Zeničko-dobojskog kantona ("Službene novine Zeničko-dobojskog kantona", broj: 13/18, 6/19, 22/19, 21/20 i 10/21), a na osnovu redovnog upoznavanja sa izvještajima o radu policijskog komesara i Uprave policije, mogu se izvesti sljedeći zaključci:

1. Nezavisni odbor je redovno pratio rad policijskog komesara razmatranjem i evaluacijom navedenih mjesečnih izvještaja. Po navedenim izvještajima vođena je diskusija, zauzimani su odgovarajući stavovi i donošeni su zaključci o njihovom prihvatanju;
2. Nezavisni odbor je u cilju poboljšanja objektivne i subjektivne sigurnosti građana, utvrdio određeni broj prijedloga i sugestija, od kojih su neke uvažene od strane policijskog komesara;
3. Nezavisni odbor je utvrdio da nijedan prijedlog niti sugestija nije sadržavao elemente uplitanja u operativni policijski rad niti je imao karakter političkog uticaja na rad policije;

4. Nezavisni odbor je i u 2021. godini radio u otežanim uslovima zbog pandemije izazvane korona virusom, uz poštivanje svih epidemioloških mjera sadržanih u naredbama i preporukama nadležnih organa Federacije BiH i nadležnih organa Zeničko-dobojskog kantona;
5. Nezavisni odbor je iz razmatranih izvještaja Uprave policije utvrdio da je vidljiv rad policije koji se odnosi na poštivanje određenih naredbi nadležnih organa vezanih za primjenu određenih epidemioloških mjera;
6. Nezavisni odbor je posebno zahtijevao od policijskog komesara da informiše Odbor o kretanju migranata, te zahtijevao pojačane mjere i aktivnosti u tom pogledu, a sve zbog obezbjeđivanja sigurnosti građana Zeničko-dobojskog kantona i njihove imovine;
7. Nezavisni odbor je podnio Prijedlog za razrješenje policijskog komesara Ministarstva unutrašnjih poslova Zeničko-dobojskog kantona zbog ispunjavanja uslova za penziju i proveo proceduru objave javnog konkursa, procesa odabira kandidata, utvrđivanja i dostavljanja konačne rang liste kandidata za policijskog komesara Ministarstva unutrašnjih poslova Zeničko-dobojskog kantona, ministru Ministarstva unutrašnjih poslova Zeničko-dobojskog kantona, shodno odredbama Zakona o unutrašnjim poslovima Zeničko-dobojskog kantona.

MJERE I PREPORUKE

Nezavisni odbor će i u budućnosti nastojati da svojim aktivnim i proaktivnim djelovanjem unapređuje i prati rad policije, sa ciljem da se svim našim građanima omoguće što bolji sigurnosni uslovi – i objektivni i subjektivni, da kontinuirano jača povjerenje građana u rad policije, te da se ostvari daljnje unapređenje kvaliteta života građana u našoj društvenoj zajednici.

U narednom periodu je potrebno i snažnije proaktivno djelovanje i primjena određenih ciljanih sigurnosnih mjera i postupaka policije u područjima za koje su prisutni pojedinačni sigurnosni događaji koji uznemiruju javnost (kao što su: paljevine, upotreba vatrenog oružja, neprimjereni postupci policije i sl.), a sa ciljem da rezultati policije u cjelini budu odraz ukupnog, profesionalnog i rukovodnog djelovanja orijentisanog prema represivnom radu, ali i primjeni projekata rada policije u zajednici.

Broj: 01-03-4402-2/22

Zenica, 25.03.2022. godine

Dostavljeno:

- 1x Skupštini Zeničko-dobojskog kantona,
- 1x U spis predmeta 39. sjednice Nezavisnog odbora.

